

სამახსოვრო ინსტრუქცია

საუბნო საარჩევნო კომისიის თავმჯდომარის
უფლებამოსილებანი კენჭისყრის დღეს

სამახსოვრო ინსტრუქცია განკუთვნილია იმ საარჩევნო
უბნებისთვის, სადაც კენჭისყრა ელექტრონული
საშუალებების გამოყენების გარეშე ტარდება



2025 წლის 4 ოქტომბრის არჩევნები

წინამდებარე რესურსი მომზადებულია საქართველოს ცენტრალური საარჩევნო კომისიის და სსიპ საარჩევნო სისტემების განვითარების, რეფორმებისა და სწავლების ცენტრის მიერ.

დოკუმენტი წარმოადგენს დამხმარე რესურსს და მიზნად ისახავს ხელი შეუწყოს კომისიის თავმჯდომარეს, კენჭისყრის დღეს, საქმიანობა წარმართოს ორგანიზებულად და თანმიმდევრულად.

საუბნო საარჩევნო კომისიის თავმჯდომარის უფლებამოსილებებისა და საქმიანობის წესთან დაკავშირებული საკანონმდებლო რეგულაციების სრული სახით გაცნობის მიზნით, იხილეთ საქართველოს ორგანული კანონი „საქართველოს საარჩევნო კოდექსი“, ცესკოს 2025 წლის 29 აპრილის N32/2025 დადგენილება „მუნიციპალიტეტის ორგანოთა 2025 წლის 4 ოქტომბრის არჩევნებისათვის საუბნო საარჩევნო კომისიის წევრთა სახელმძღვანელო ინსტრუქციის დამტკიცების თაობაზე“.

თემატური სარჩევი

01	როგორ მოვემზადოთ კენჭისყრის პროცესის დასაწყებად	2
02	როგორ ვმართოთ კენჭისყრის პროცესში წარმოშობილი რისკები	9
03	როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს	13
04	კენჭისყრის პროცესის მიმდინარეობისას როგორ და რა პერიოდულობით აღვრიცხოთ კენჭისყრაში მონაწილე ამომრჩეველთა რაოდენობა (ამომრჩეველთა აქტივობა)	15
05	როგორ მოვემზადოთ კენჭისყრის შედეგების შეჯამების პროცესისთვის	21
06	რა უნდა გავითვალისწინოთ კენჭისყრის შედეგების შემაჯამებელ ოქმებთან მიმართებით	32
07	როგორ უზრუნველყოთ საარჩევნო დოკუმენტაციის და სხვა ინვენტარის გადაბარება საოლქო საარჩევნო კომისიისთვის	38

ყურადღება!

სამახსოვრო ინსტრუქციაში გაწერილი აქტივობების შესრულების პარალელურად, კენჭისყრის შენობაში ყოფნის უფლების მქონე პირებისთვის, ხმამაღლა გააჟღერეთ თქვენ მიერ განსახორციელებელი პროცედურა.

01

როგორ მოვემზადოთ კენჭისყრის პროცესის დასაწყებად

საარჩევნო უბნის გახსნიდან კენჭისყრის დაწყებამდე (06:45 საათიდან 08:00 საათამდე) ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ უბნის გახსნა და საოლქო საარჩევნო კომისიის ინფორმირება;
- ✓ სააკრედიტაციო მოწმობების შემოწმება კენჭისყრის შენობაში ყოფნის უფლების მქონე პირების უბანზე დასაშვებად, ჩანაწერთა წიგნში რეგისტრაციის უზრუნველყოფა;
- ✓ კომისიის წევრებს შორის ფუნქციების განაწილების შედეგების ასახვა ჩანაწერთა წიგნში;
- ✓ მონაცემების გამოცხადება (მიღებული საარჩევნო ბიულეტენების, სპეციალური კონვერტებისა და ყველა სახის სიაში რეგისტრირებული ამომრჩევლების რაოდენობა);
- ✓ საკონტროლო ფურცლის შევსება;
- ✓ საუბნო საარჩევნო კომისიის წევრებისთვის ფუნქციის შესაბამისად მასალების გადაცემა.

06:45 საათიდან 08:00 საათამდე ჩასატარებელი პროცედურების განხორციელებისთვის იხელმძღვანელებს ქვემოთ მოცემული დეტალური აღწერით.

06:45 საათიდან 08:00 საათამდე ჩასატარებელი ძირითადი აქტივობების დეტალური აღწერა

ყურადღება! - საარჩევნო უბნის გახსნამდე, დაცვის პოლიციისგან, მიღება-ჩაბარების აქტის საფუძველზე, გადაიბარეთ კენჭისყრის ოთახში დაცული პლანშეტი, საარჩევნო დოკუმენტაცია და ინვენტარი.

- ❑ 06:45 საათზე გახსენით საარჩევნო უბანი, ტელეფონით შეატყობინეთ საოლქო საარჩევნო კომისიას საარჩევნო უბნის გახსნისა და კომისიის წევრთა კვორუმის თაობაზე. კომისია უფლებამოსილია, დაიწყოს კენჭისყრისთვის მოსამზადებელი პროცედურები, თუ გამოცხადდა 9 წევრი მაინც.
- ❑ გადაეცით კომისიის მდივანს ჩანაწერთა წიგნი.
- ❑ შეამოწმეთ კენჭისყრის შენობაში მყოფი უფლებამოსილი პირების სააკრედიტაციო მოწმობები (ძალაშია პირადობის დამადასტურებელ დოკუმენტთან ერთად).
- ❑ მიუთითეთ კომისიის მდივანს, კომისიის წევრებს შორის ფუნქციების განაწილების შედეგები, რომელიც ასახულია აღნიშნული ფუნქციის გასანაწილებლად კენჭისყრის დღემდე ჩატარებული წილისყრის შედეგების აქტში, შეიტანოს ჩანაწერთა წიგნში.
- ❑ ყველას დასანახად შეამოწმეთ და გახსენით დალუქული პაკეტი, რომელშიც მოთავსებულია კომისიის სპეციალური ბეჭედი და ამომრჩეველთა რეგისტრატორების ბეჭდები.
- ❑ გამოაცხადეთ ამომრჩეველთა რაოდენობა ერთიანი სიის მიხედვით, ასევე, სპეციალური სიის და გადასატანი საარჩევნო ყუთის სიის მიხედვით (ასეთის არსებობისას).
- ❑ არჩევნების სახეობების მიხედვით გამოაცხადეთ მიღებული საარჩევნო ბიულეტენების რაოდენობა და ხმის მიცემისთვის განკუთვნილი სპეციალური კონვერტების რაოდენობა.
- ❑ კენჭისყრის შენობაში ყოფნის უფლების მქონე პირთა თანდასწრებით შეამოწმეთ და დარწმუნდით, რომ საარჩევნო ყუთები ცარიელია.

- ❑ ინდივიდუალური ნომრის მქონე ლუქებით დალუქეთ ძირითადი საარჩევნო ყუთი და გადასატანი საარჩევნო ყუთი (არსებობის შემთხვევაში).
- ❑ მიუთითეთ კომისიის მდივანს, ჩანაწერთა წიგნში ასახოს ძირითადი საარჩევნო/გადასატანი საარჩევნო ყუთის დალუქვის ზუსტი დრო და ლუქების ინდივიდუალური ნომრები.
- ❑ თითოეულ რეგისტრატორს გადაეცით:
 - ❑ ანბანის მიხედვით დანაწილებული ამომრჩეველთა ერთიანი სია. ერთ-ერთ რეგისტრატორს აგრეთვე გადაეცით ამომრჩეველთა სპეციალური სია (ასეთის არსებობის შემთხვევაში);
 - ❑ სამივე სახეობის საარჩევნო ბიულეტენის თითო ბლოკნოტი - საკრებულოს პროპორციული, საკრებულოს მაჟორიტარული და მერის არჩევნებისთვის განკუთვნილი საარჩევნო ბიულეტენების ბლოკნოტები (რეგისტრატორი ამომრჩევნო ბიულეტენების რაოდენობის სიზუსტეს და თქვენთან ერთად ხელმოწერით ადასტურებს ბლოკნოტის თავფურცელზე არსებულ მიღება-ჩაბარების აქტში);
 - ❑ მარკირების სითხე;
 - ❑ სპეციალური სახაზავი;
 - ❑ საწერი კალამი (ამომრჩეველთა სიაში ამომრჩევლის მიერ ხელმოწერის დაფიქსირების მიზნით);
 - ❑ რეგისტრატორების ბეჭედი;

ყურადღება! თუ რეგისტრატორების ბეჭდები საჭირო რაოდენობაზე ნაკლები აღმოჩნდა, ან ბეჭედი დაზიანდა, კომისიის თავმჯდომარის გადანაცვლებით მცირდება რეგისტრატორების რაოდენობა.

- ❑ ერთ-ერთი რეგისტრატორის მაგიდაზე განათავსეთ გამადიდებელი ლინზა მცირემხედველი ამომრჩეველებისთვის, ასევე, უსინათლო ამომრჩეველებისთვის განკუთვნილი სპეციალური ჩარჩო (ასეთის არსებობის შემთხვევაში).
- ❑ თითოეულ სარეგისტრაციო მაგიდასთან, სარეგისტრაციო მაგიდაზე განლაგებული სიების შესაბამისად, გამოაკარით ამომ-

რჩეველთა გვარების ანბანური და სიაში ამომრჩეველთა რიგითი ნომრების თანამიმდევრობა.

- ❑ ნაკადის მომწესრიგებელ კომისიის წევრს გადაეცით მარკირების შესამოწმებელი ულტრაიისფერი ფარანი.
- ❑ საარჩევნო ყუთისა და სპეციალური კონვერტების ზედამხედველ კომისიის წევრს გადაეცით სპეციალური კონვერტები. მიუთითეთ მას ადგილი დაიკავოს ძირითად საარჩევნო ყუთთან.
- ❑ კომისიის წევრებისათვის მასალების გადაცემის შემდეგ, კომისიის მდივანთან ერთად შეავსეთ საკონტროლო ფურცლების თვითკოპირებადი ფორმა (გარდა პირველი ამომრჩევლის შესახებ მონაცემებისა). საკონტროლო ფურცელს ხელს აწერს საუბნო საარჩევნო კომისიის ყველა დამსწრე წევრი.
- ❑ კენჭისყრის პროცესის დაწყებამდე გააქტიურეთ პლანშეტში ჩატვირთული ცესკოს აპლიკაცია.

სქემა N1 - პლანშეტში ჩატვირთული ცესკოს აპლიკაციის გააქტიურების პროცესის იდუსტრაცია.

{1} პლანშეტში ჩატვირთული ცესკოს აპლიკაცია გააქტიურეთ ხატულაზე დაჭერით.



{I} გაიარეთ ავტორიზაცია. ამ მიზნით შესაბამის ველებში შეიყვანეთ სიმბარათის ნომერი, საარჩევნო უბნის ნომერი და დააჭირეთ ღილაკს „კოდის გაგზავნა“.

ავტორიზაცია

ტელეფონის ნომერი

უბანი

კოდის გაგზავნა

7758286912
01.01.01

{III} გაიარეთ ავტორიზაცია. ამ მიზნით შესაბამის ველებში შეიყვანეთ სიმბარათის ნომერი, საარჩევნო უბნის ნომერი და დააჭირეთ ღილაკს „კოდის გაგზავნა“.

ავტორიზაცია

7758286912

01.01.01

ერთჯერადი კოდი

შეხველა

7758286912
01.01.01

08:00 საათზე

□ უბნის გახსნის შესახებ ინფორმაცია პლანშეტის მეშვეობით გადააგზავნეთ 08:00 საათზე (ამ მიზნებისთვის კომისია არ ელოდება პირველ ამომრჩეველს).

სქემა N2 - პდნშეგში ჩატვირთული ცესკოს აპლიკაციის მეშვეობით კენჭისყრის დაწყების შესახებ ინფორმაციის გადაცემის პროცესის იდუსტრაცია

{I}

პროცესის დაწყების შესახებ ცესკოს ინფორმირებისთვის დააჭირეთ ჩამოსაშლელ კონტექსტურ მენიუს



{II}

პროგრამის მენიუში დააჭირეთ ლილავს „აქტივობა“.

{III}

აირჩიეთ ღილაკი „გახსნა“. ღილაკის მონიშვნისთანავე ინფორმაცია გადაიგზავნება ცესკოში.

08:00 საათიდან

- საარჩევნო უბანზე ხმის მიცემის პროცესი იწყება 08:00 საათიდან. მას შემდეგ, რაც პირველი ამომრჩეველი გაივლის რეგისტრაციას, კომისიის მდივანი მის შესახებ მონაცემებს შეიტანს საკონტროლო ფურცლებში და პირველი ამომრჩეველი ხელს მოაწერს მას, საკონტროლო ფურცლის ერთი ეგზემპლარი ჩააგდეთ ძირითად საარჩევნო ყუთში, მეორე ეგზემპლარი – გადასატან საარჩევნო ყუთში (ასეთის არსებობის შემთხვევაში), ხოლო მესამე ეგზემპლარი შეინახეთ საარჩევნო ყუთებში არსებულ საკონტროლო ფურცლებთან შემდგომი შედარების მიზნით.
- პირველი ამომრჩევლის მიერ რეგისტრაციის გავლის შემდეგ, საოლქო საარჩევნო კომისიას აცნობეთ საარჩევნო ყუთის/ყუთების დალუქვის და საკონტროლო ფურცლის ყუთში/ყუთებში მოთავსების შესახებ.

როგორ ვმართოთ კენჭისყრის პროცესში წარმოშობილი რისკები

- ✓ თუ მარკირების შესამოწმებელმა სპეციალურმა ხელსაწყომ გამოავლინა, რომ ამომრჩეველს უკვე აქვს მარკირება, მას ეკრძალება კენჭისყრაში მონაწილეობა. ნაკადის მომწესრიგებელი ასეთ ამომრჩეველს განუმარტავს უარს კენჭისყრის ოთახში დაშვებაზე, ხოლო ამომრჩეველის შესახებ ინფორმაციას აცნობებს კომისიის მდივანს ჩანაწერთა წიგნში შეტანის მიზნით.
- ✓ თუ ამომრჩეველი რეგისტრატორს წარუდგენს ვადაგასულ პირადობის დამადასტურებელ დოკუმენტს, ან ძალადაკარგულ საქართველოს მოქალაქის პირადობის არაელექტრონულ მოწმობას (ძალადაკარგულია 2011 წლის 27 ივლისის ჩათვლით გაცემული არაელექტრონული მოწმობა), რეგისტრატორი ამომრჩეველს განუმარტავს კენჭისყრაში მონაწილეობაზე უარის მიზებს და მიუთითებს, რომ კენჭისყრაში მონაწილეობის უფლება მიეცემა, თუ წარადგენს მოქმედ პირადობის დამადასტურებელ დოკუმენტს.
- ✓ თუ რეგისტრატორმა ამომრჩეველის სახე და წარდგენილ დოკუმენტში ან ამომრჩეველთა სიაში არსებული ფოტოსურათი ერთმანეთთან შეუსაბამოდ მიიჩნია, აღნიშნული შეუსაბამობის თაობაზე მან უნდა მოგმართოთ თქვენ:
 - თუ დაადასტურებთ შეუსაბამობას, მიუთითეთ კომისიის მდივანს, ჩანაწერთა წიგნში გააკეთოს შესაბამისი ჩანაწერი (ამომრჩეველის სახელის, გვარის და ამომრჩეველთა სიაში მისი რიგითი ნომრის მითითებით). ეს ჩანაწერი კომისიის მდივანთან ერთად დაადასტურეთ ხელმოწერით.
 - თუ არ დაადასტურებთ შეუსაბამობას, რეგისტრატორს უფლება აქვს, ჩანაწერთა წიგნში ჩაწეროს თავისი განსაკუთრებული აზრი. კომისიის მდივანმა ჩანაწერთა წიგნში უნდა გააკეთოს შესაბამისი ჩანაწერი (ამომრჩეველის სახელის, გვარის და ამომრჩეველთა სიაში მისი რიგითი ნომრის მითითებით).

ეს ჩანაწერი რეგისტრატორმა და კომისიის მდივანმა უნდა დაადასტურონ ხელმოწერებით.

ზემოაღნიშნულ შემთხვევებში კომისიის მდივანმა ჩანაწერთა წიგნს უნდა დაურთოს მისი ხელმოწერით დადასტურებული ამომრჩევლის მიერ წარდგენილი პირადობის დამადასტურებელი დოკუმენტის ფოტოასლი. პროცედურების შესრულების შემდეგ ამომრჩეველს მიეცით კენჭისყრაში მონაწილეობის უფლება.

- ✓ მარკირების პროცედურის გავლაზე უარის შემთხვევაში, ამომრჩეველს არ აქვს კენჭისყრაში მონაწილეობის უფლება და რეგისტრატორი მას განუმარტავს დატოვოს კენჭისყრის შენობა.
- ✓ თუ ამომრჩეველი ხმას აძლევს სპეციალური სიით და ამომრჩევლის გვარის გასწვრივ მითითებულია:
 - „**პროპორციული/მერი**“, გაითვალისწინეთ, რომ ასეთი ამომრჩეველი მონაწილეობს მხოლოდ მუნიციპალიტეტის მერის და საკრებულოს პროპორციული წესით ჩასატარებელ არჩევნებში. რეგისტრატორი ასეთ ამომრჩეველზე გასცემს მხოლოდ ორი სახეობის საარჩევნო ბიულეტენს: საკრებულოს პროპორციული არჩევნებისთვის განკუთვნილ ერთ საარჩევნო ბიულეტენს და მერის არჩევნებისთვის განკუთვნილ ერთ საარჩევნო ბიულეტენს;
 - „**პროპორციული**“, გაითვალისწინეთ, რომ ასეთი ამომრჩეველი მონაწილეობს მხოლოდ მუნიციპალიტეტის საკრებულოს პროპორციული წესით ჩასატარებელ არჩევნებში. რეგისტრატორი ასეთ ამომრჩეველზე გასცემს მხოლოდ საკრებულოს პროპორციული არჩევნებისთვის განკუთვნილ ერთ საარჩევნო ბიულეტენს.

ყურადღება! - გააკონტროლეთ, რომ აღნიშნულ შემთხვევებში რეგისტრატორმა ამომრჩეველზე გასცეს შესაბამისი სახეობის საარჩევნო ბიულეტენი.

- ✓ თუ ამომრჩეველთა ერთიან ან სპეციალურ სიაში ამომრჩევლის შესახებ მონაცემები არ მოიძებნა, პლანშეტის გამოყენებით დაეხმარეთ ამომრჩეველს მოიძიოს ინფორმაცია იმ უბნის შესახებ, რომელშიც ის არის რეგისტრირებული.

სქემა N3 - პდნშეგში ჩატვირთული ცესკოს აპლიკაციის მეშვეობით ამომრჩევლის მონაცემების ძებნის პროცესის ილუსტრაცია.

{I}

ამომრჩეველთა სიაში პიროვნების ძებნისთვის ამომრჩევლის პირადი ნომერი შეიყვანეთ ველში „პირადი ნომერი“ და აირჩიეთ ღილაკი „ჩამოტვირთვა“

{II}

ერთიან სიაში ამომრჩევლის რეგისტრაციის ფაქტის დადასტურების შემთხვევაში, ეკრანზე გამოვა ამომრჩევლის სარეგისტრაციო მონაცემები, მათ შორის, საარჩევნო უბნის ნომერი.

✓ თუ ამომრჩეველს არ შეუძლია დამოუკიდებლად შეავსოს საარჩევნო ბიულეტენი, მას უფლება აქვს, ფარული კენჭისყრის კაბინაში დასახმარებლად მიიწვიოს საარჩევნო უბანზე მყოფი ნებისმიერი პირი, გარდა:

- ა) საარჩევნო კომისიის წევრისა;
- ბ) კანდიდატისა;
- გ) საარჩევნო სუბიექტის წარმომადგენლისა;

დ) დამკვირვებლისა;

ე) პრესისა და მასობრივი ინფორმაციის სხვა საშუალებების წარმომადგენლისა.

✓ თუ ამომრჩეველს გაუფუჭდა საარჩევნო ბიულეტენი, მისი თანდასწრებით, გაფუჭებული საარჩევნო ბიულეტენი დაკეცეთ იმგვარად, რომ შეუძლებელი იყოს საარჩევნო სუბიექტების დანახვა, გადაკეცილი საარჩევნო ბიულეტენი დაამაგრეთ ლითონის შემკვრელით, ჩამოაჭერით კუთხე, დააწერეთ „გაფუჭებულია“ და ხელი მოაწერეთ. გაფუჭებული საარჩევნო ბიულეტენი შეინახეთ ცალკე. დაავალეთ რეგისტრატორს ამომრჩეველს შეუცვალოს გაფუჭებული საარჩევნო ბიულეტენი ახლით.

✓ თუ კენჭისყრის შენობაში მყოფი პირების მხრიდან ვლინდება შემთხვევები, როგორიცაა: კენჭისყრის შენობაში წესრიგის დარღვევა; კომისიის საქმიანობაში ჩარევა; ამომრჩეველთა ნების თავისუფალ გამოვლენაზე გავლენა; აგიტაცია; კენჭისყრის ოთახში ამომრჩევლის გადაადგილების ფიზიკური შეფერხება; ამომრჩევლისთვის პირადობის დამადასტურებელი დოკუმენტის გამორთმევა/ჩვენების მოთხოვნა/ფოტოვიდეოგადაღება ან სხვაგვარი დამუშავება; ამომრჩეველთა სამაგიდო სიაში არსებული ამომრჩევლის მონაცემების და ამომრჩევლის მიერ საარჩევნო ბიულეტენზე გაკეთებული არჩევანის ფოტოვიდეოგადაღება ან სხვაგვარი დამუშავება - უნდა მოახდინოთ მყისიერი რეაგირება კანონმდებლობის შესაბამისად. უფლება გაქვთ, საჭიროებისამებრ, კომისიის წინაშე დააყენოთ კენჭისყრის შენობიდან დამრღვევის გაძევების საკითხი.

თუ დამრღვევი პირი ნებაყოფლობით არ ასრულებს კომისიის მიერ მიღებულ გადაწყვეტილებას გაძევების შესახებ, თქვენი მოთხოვნით შეიძლება გამოძახებულ იქნენ პოლიციის მუშაკები კომისიის გადაწყვეტილების აღსასრულებლად.

03

როგორ მოვემზადოთ გადასატანი საარჩევნო ყუთით ხმის მიცემის პროცესის დასაწყებად და რა უნდა გავითვალისწინოთ გადასატანი საარჩევნო ყუთის საარჩევნო უბანში დაბრუნების დროს

- ❑ გადასატანი საარჩევნო ყუთის მეშვეობით კენჭისყრა იწყება 09:00 საათიდან. გადასატანი საარჩევნო ყუთის მეშვეობით კენჭისყრის ჩატარებაზე პასუხისმგებელ კომისიის წევრებს გადაეცით:
 - ❑ დალუქული გადასატანი საარჩევნო ყუთი;
 - ❑ გადასატანი საარჩევნო ყუთის სია, კომისიისთვის განკუთვნილი ვერსია;
 - ❑ ერთ-ერთი რეგისტრატორის მიერ ხელმოწერილი და ბეჭედ-დასმული საჭირო რაოდენობის სამივე სახეობის საარჩევნო ბიულეტენები (საკრებულოს პროპორციული, საკრებულოს მაჟორიტარული და მერის არჩევნებისთვის განკუთვნილი საარჩევნო ბიულეტენები);
 - ❑ სპეციალური კონვერტები გადასატანი საარჩევნო ყუთის სიაში ამომრჩეველთა რაოდენობის შესაბამისად;
 - ❑ ლითონის შემკვრელი (გამოიყენება საარჩევნო ბიულეტენის გაფუჭების შემთხვევაში ხმის ფარულობის უზრუნველსაყოფად);
 - ❑ საკანცელარიო მაკრატელი (გამოიყენება საარჩევნო ბიულეტენის გაფუჭების შემთხვევაში საარჩევნო ბიულეტენზე კუთხის ჩამოსაჭრელად);
 - ❑ მარკირების შესამოწმებელი ულტრაიისფერი ფარანი;
 - ❑ მარკირების სითხე;

- ❑ საწერი კალამი (გადასატანი საარჩევნო ყუთის სიაში ამომრჩევლის მიერ ხელმოწერის დაფიქსირებისა და ბიულეტენის შევსების მიზნებისთვის);
- ❑ გადასატანი საარჩევნო ყუთის ქრილის ლუქი.
- ❑ გადასატანი საარჩევნო ყუთის მეშვეობით ხმის მიცემისას ავტომატური გამოყენების შემთხვევაში, ავტომატურად გამოყავით ადგილი კენჭისყრის შენობაში ყოფნის უფლების მქონე პირთაგან წილისყრით გამოვლენილი 2 მეთვალყურისათვის (ასეთის არსებობისას).

გადასატანი საარჩევნო ყუთის მეშვეობით ხმის მიცემა სრულდება არაუგვიანეს 19:00 საათისა, გადასატანი საარჩევნო ყუთი საარჩევნო უბანზე უნდა დაბრუნდეს არაუგვიანეს 20:00 საათისა.

- ❑ გადასატანი საარჩევნო ყუთის საარჩევნო უბანში დაბრუნებისთანავე, მიუთითეთ კომისიის მდივანს, შეამოწმოს გადასატანი საარჩევნო ყუთის სიაში არსებული ხელმოწერების, გამოუყენებელი ან/და გაფუჭებული საარჩევნო ბიულეტენების რაოდენობის სისწორე. უზუსტობის აღმოჩენის შემთხვევაში გადასატანი ყუთის თანმხლებმა კომისიის წევრებმა უნდა დაწერონ ახსნა-განმარტება მიზეზის მითითებით.

ახსნა-განმარტებაში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემოწამებული ოქმების შედგენის მიზნებისთვის.

- ❑ გამოუყენებელ საარჩევნო ბიულეტენებს ჩამოაჭერით კუთხე, დააწერეთ გაფუჭებულია და ხელი მოაწერეთ.

04

კენჭისყრის პროცესის მიმდინარეობისას როგორ და რა პერიოდულობით აღვრიცხოთ კენჭისყრაში/არჩევნებში მონაწილე ამომრჩეველთა რაოდენობა (ამომრჩეველთა აქტივობა)

- კენჭისყრის პროცესის მიმდინარეობისას, საკრებულოს პროპორციული წესით ჩატარებული არჩევნებისთვის კენჭისყრაში მონაწილე ამომრჩეველთა რაოდენობის (ამომრჩეველთა აქტივობა) დადგენა უნდა მოხდეს 10:00, 12:00, 15:00, 17:00 საათზე. ამ მიზნით, მიუთითეთ რეგისტრატორებს, კენჭისყრის პროცესისთვის ხელის შეუშლელად, საუბნო საარჩევნო კომისიისთვის განკუთვნილ ამომრჩეველთა სამაგიდე სიებში, მათ შორის, გადასატანი საარჩევნო ყუთის სიაში, გადაითვალონ ამომრჩეველთა ხელმოწერების რაოდენობა (მათ მიერ დანერგილ ახსნა-განმარტებებში აღნიშნული მონაცემების გათვალისწინებით). შესაბამის საათებზე მიღებული მონაცემები პლანშეტით გადაეცით ცესკოს.

მიუთითეთ მდივანს, 12:00 და 17:00 საათზე დათვლილი მონაცემები ასახოს ჩანაწერთა წიგნში და შესაბამის სადემონსტრაციო ოქმში.

ყურადღება!

საკრებულოს პროპორციულ არჩევნებში მონაწილე ამომრჩეველთა დათვლილი რაოდენობის ცესკოსთვის გადაცემამდე, უნდა გადაამოწმოთ მონაცემთა სისწორე. ამ მიზნით, მიუთითეთ რეგისტრატორებს, რომ ამომრჩეველთა სიებში ხელმოწერების რაოდენობის გარდა, გადათვალონ მათ მიერ საკრებულოს პროპორციული არჩევნებისთვის გაცემული საარჩევნო ბიულეტენების რაოდენობა (გაფუჭებული საარჩევნო ბიულეტენების რაოდენობის ჩათვლით).

გაცემული საარჩევნო ბიულეტენების რაოდენობის დასადგენად, რეგისტრატორები მიღებული საარჩევნო ბიულეტენების რაოდენობას აკლებენ მათთან დარჩენილი საარჩევნო ბიულეტენების რაოდენობას.

რეგისტრატორებისგან მიღებული მონაცემები ასახეთ ცხრილში (სარეკომენდაციო ფორმა იხ. დანართში N1).

რეგისტრატორებისგან მიღებული მონაცემების საფუძველზე, საკრებულოს პროპორციულ არჩევნებში მონაწილე ამომრჩეველთა დათვლილი რაოდენობის სისწორე შეამოწმეთ შემდეგნაირად: რეგისტრატორების მიერ გაცემული საარჩევნო ბიულეტენების ჯამურ რაოდენობას გამოაკელით გაფუჭებული საარჩევნო ბიულეტენების ჯამური რაოდენობა. მიღებული შედეგი ტოლი უნდა იყოს ამომრჩეველთა ხელმოწერების ჯამური რაოდენობის.

თუ მონაცემებს შორის სხვაობა გამოვლინდა, რეგისტრატორმა დაუყოვნებლივ უნდა დაწეროს ახსნა-განმარტება (მასში ასახული მონაცემები, გაითვალისწინება კენჭისყრაში/არჩევნებში მონაწილე ამომრჩეველთა რაოდენობის დადგენისა და კენჭისყრის შედეგების შემატამებელი ოქმის/ოქმების შედგენის მიზნებისთვის).

სქემა N4 - საკრებულოს პიროვნული წესით ჩატახებული აჩვენებისთვის კენჭისყრაში/აჩვენებებში მონაწიდე ამომხრევედთა ხაოდე-ნობის (აქტივობის) შესახებ ინფოხმაციის ცესკოსთვის პდანშეტი გადგზავნის პოცესის იდუსტრაცია

{I}

დააჭირეთ ჩამოსაშლელ კონტექსტურ მენიუს.



{II}

პროგრამის მენიუში დააჭირეთ ღილაკს „აქტივობა“.

☰ აქტივობა 01.01.01

უნიის გახსნა

10:00	0
აქტიური	
12:00	0
არა აქტიური	
15:00	0
არა აქტიური	
17:00	0
არა აქტიური	
20:00	0
არა აქტიური	

{III}

აირჩიეთ შესაბამისი დროის
მაჩვენებელი აქტიური ველი.

10:00 0

აქტიური

☰ აქტივობა 01.01.01

{IV}

გრაფაში შეიტანეთ
შესაბამისი პერიოდისთვის
დადგენილი კენჭისყრაში/
არჩევნებში მონაწილე
ამომრჩეველთა
რაოდენობა და აირჩიეთ
ლილაკი „გაგზავნა“.

აქტივობა 01.01.01

უბნის გახსნა გახსნა

10:00	120
აქტიური	
12:00	0
არა აქტიური	
15:00	0
არა აქტიური	
17:00	0
არა აქტიური	
20:00	0
არა აქტიური	

განახლება

{V}

გაგზავნილი მონაცემი
აისახება შესაბამისი
პერიოდის აქტივობის
გრაფაში.

120

- კენჭისყრის პროცესის მიმდინარეობისას, **საკრებულოს მაჟორიტარული წესით ჩატარებული არჩევნებისთვის/მერის არჩევნებისთვის** კენჭისყრაში ამომრჩეველთა რაოდენობის (აქტივობა) დადგენა უნდა მოხდეს 12:00 და 17:00 საათზე.

ყურადღება!

- ✓ **მერის არჩევნებისთვის** ამომრჩეველთა აქტივობის დადგენის მიზნით, შესაბამისი დროისთვის საკრებულოს პროპორციული არჩევნებისთვის დადგენილ კენჭისყრაში მონაწილე ამომრჩეველთა საერთო რაოდენობას უნდა გამოაკლოთ რეგისტრატორების მიერ აღრიცხული იმ ამომრჩეველების ჯამური ოდენობა, რომლებმაც არჩევნებში მონაწილეობა მიიღეს სპეციალური სიით/გადასატანი საარჩევნო ყუთის სიით და არ აქვთ მერის არჩევნებში მონაწილეობის უფლება.
- ✓ **საკრებულოს მაჟორიტარული არჩევნებისთვის** ამომრჩეველთა აქტივობის დადგენის მიზნით, შესაბამისი დროისთვის საკრებულოს პროპორციული არჩევნებისთვის დადგენილ კენჭისყრაში მონაწილე ამომრჩეველთა საერთო რაოდენობას

უნდა გამოაკლოთ რეგისტრატორების მიერ აღრიცხული
იმ ამომრჩევლების ჯამური ოდენობა, რომლებმაც არჩე-
ვნებში მონაწილეობა მიიღეს სპეციალური სიით/გადასა-
ტანი საარჩევნო ყუთის სიით და არ აქვთ საკრებულოს მა-
ჟორიტარულ არჩევნებში მონაწილეობის უფლება.

მიუთითეთ მდივანს, საკრებულოს მაჟორიტარული არჩევნე-
ბისთვის /მერის არჩევნებისთვის 12:00 და 17:00 საათებზე დათ-
ვლილი კენჭისყრაში მონაწილე ამომრჩეველთა რაოდენობა
(აქტივობა) ასახოს ჩანაწერთა წიგნში და კენჭისყრის შედეგების
შესაბამის სადემონსტრაციო ოქმებში.

05

როგორ მოვაგაძოთ კენჭისყრის შედეგების შეჯამების პროცესისთვის

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების ორგანიზებულად წარმართვა უკავშირდება ქვემოთ მოყვანილი ძირითადი აქტივობების განხორციელებას:

- ✓ საარჩევნო უბნის დახურვა;
- ✓ საარჩევნო უბნის მოწყობა ხმის დათვლის პროცედურისთვის;
- ✓ წილისყრით მთვლელების გამოვლენა;
- ✓ ხმის დათვლის პროცესში დამკვირვებლებისგან გამოვლენილი მეთვალყურეების, საარჩევნო სუბიექტების წარმომადგენლების ჩართულობის უზრუნველყოფა;
- ✓ მთვლელების მიერ ძირითადი/გადასატანი საარჩევნო ყუთების გახსნამდე შესაბამისი საარჩევნო დოკუმენტაციის დალუქვა;
- ✓ ძირითადი/გადასატანი საარჩევნო ყუთების გახსნა;
- ✓ მთვლელების მიერ საარჩევნო ბიულეტენების დახარისხება, დათვლა და დალუქვა.

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე ჩასატარებელი პროცედურების განხორციელებისთვის იხელმძღვანელებთ ქვემოთ მოცემული დეტალური აღწერით.

საარჩევნო უბნის დახურვიდან კენჭისყრის შედეგების შემაჯამებელი ოქმის შედგენამდე კარიოდში ჩასატარებელი ძირითადი აქტივობების დეტალური აღწერა

- კენჭისყრის პროცედურა სრულდება და კენჭისყრის შენობა იკეტება 20:00 საათზე. ამ დროისთვის რიგში მდგომ ამომრჩევლებს შეუძლიათ ხმის მიცემა. კომისიის ერთ-ერთი წევრს დაავალეთ აღრიცხოს რიგში მდგომ ამომრჩეველთა გვარები, სახელები და გაცნობით მათი რაოდენობა (კომისიის მდივანს რაოდენობა შეაქვს ჩანაწერთა წიგნში).

როგორც კი ბოლო ამომრჩეველი მისცემს ხმას, დალუქეთ ძირითადი ყუთის ქრილი და კენჭისყრა დასრულებულად გამოაცხადეთ.

- მიუთითეთ კომისიის მდივანს ჩანაწერთა წიგნში შეიტანოს ხმების დათვლის დროს კენჭისყრის შენობაში მყოფი კომისიის წევრების, ასევე, კენჭისყრის შენობაში ყოფნის უფლების მქონე სხვა პირების მონაცემები.

გახსოვდეთ! კენჭისყრის შენობის დაკეტვის შემდეგ კენჭისყრის შენობაში შესვლისა და კენჭისყრის შენობის დატოვების უფლება აქვთ კენჭისყრის შენობაში ყოფნის უფლების მქონე პირებს.


- კენჭისყრის პროცესის დასრულების შემდეგ **საკრებულოს პროპორციულ არჩევნებში** მონაწილე ამომრჩეველთა საბოლოო რაოდენობის დადგენის მიზნით, მიუთითეთ რეგისტრატორებს, გადაითვალონ ამომრჩეველთა სამაგიდე სიებში ამომრჩეველთა ხელმოწერების რაოდენობა (მათ მიერ დაწერილ ახსნა-განმარტებებში აღნიშნული მონაცემების გათვალისწინებით).

რეგისტრატორებისგან მიღებული მონაცემები ასახეთ ცხრილში (სარეკომენდაციო ფორმა იხ. დანართი N1). რეგისტრატორების მიერ დათვლილ რაოდენობას დაუმატეთ გადასატანი საარჩევნო ყუთის სიაში (ასეთის არსებობისას) შეყვანილი ამომრჩეველების ხელმოწერების ჯამი.

საკრებულოს პროპორციულ არჩევნებში მონაწილე ამომრჩეველთა საბოლოო რაოდენობის შესახებ მიღებული მონაცემი პლანშეტით გადაეცით ცესკოს.

ყურადღება! მონაცემის ცესკოსთვის გადაცემამდე, რეგისტრატორებისგან მიღებული მონაცემების საფუძველზე, საკრებულოს პროპორციულ არჩევნებში მონაწილე ამომრჩეველთა დათვლილი რაოდენობის სისწორე შეამოწმეთ შემდეგნაირად: რეგისტრატორების მიერ გაცემული საარჩევნო ბიულეტენების ჯამურ რაოდენობას გამოაკელით გაფუჭებული საარჩევნო ბიულეტენების ჯამური რაოდენობა. მიღებული შედეგი ტოლი უნდა იყოს ამომრჩეველთა ხელმოწერების ჯამური რაოდენობის. თუ მონაცემებს შორის სხვაობა გამოვლინდა, რეგისტრატორმა დაუყოვნებლივ უნდა დაწეროს ახსნა-განმარტება (მასში ასახული მონაცემები, გაითვალისწინება კენჭისყრის შედეგების შემატამბელი ოქმის/ოქმების შედგენის მიზნებისთვის).

სქემა N5 - საკვებუდოს პიროვნული წესით ჩატარებული აჩვენებების კენჭისყრაში/აჩვენებებში მონაწილე ამომჩივედთა საბოლოო ჩაბრუნების (აქტივობის) შესახებ ინფორმაციის ცესკოსთვის პირდაპირ გადგზავნის პოცესის იდუსტრაცია.



{I}

დააჭირეთ ჩამოსაშლელ კონტექსტურ მენიუს.



{II}

პროგრამის მენიუში აირჩიეთ ლილავი „აქტივობა“.

აქტივობა 01.01.01

უზნის გახსნა

10:00	120
არა აქტიური	
12:00	500
არა აქტიური	
15:00	800
არა აქტიური	
17:00	1000
არა აქტიური	
20:00	0
აქტიური	

{III}

აირჩიეთ შესაბამისი დროის
მარვენებული აქტიური ველი.

აქტივობა 01.01.01

1500

{IV}

გრაფაში შეიტანეთ
კენჭისყრაში/არჩევნებში
მონაწილე ამომრჩეველთა
საერთო რაოდენობა
და აირჩიეთ ღილაკი
„გაგზავნა“.

აქტივობა

01.01.01

უბნის გახსნა

10:00	120
არა აქტიური	
12:00	500
არა აქტიური	
15:00	800
არა აქტიური	
17:00	1000
არა აქტიური	
20:00	1500
აქტიური	

განახლება

{V}

გაგზავნილი მონაცემი
აისახება შესაბამის
გრაფებში.

- ❑ ხმის დათვლის პროცედურის დაწყების მიზნით, ჩაატარეთ წილისყრა ხუთი მთვლელის გამოსავლენად.
 - ❑ ჩაატარეთ წილისყრა საარჩევნო უბანზე მყოფი საარჩევნო სუბიექტების წარმომადგენლებისგან არაუმეტეს 2 წარმომადგენლის გამოსავლენად, რომლებიც მთვლელებთან ერთად მონაწილეობენ ნამდვილი ან/და ბათილი საარჩევნო ბიულეტენების დათვლის პროცესში.
- წილისყრაში არ მონაწილეობენ იმ საარჩევნო სუბიექტების წარმომადგენლები, რომელთა მიერ დანიშნული კომისიის წევრებიც არიან წილისყრით გამოვლენილი მთვლელები.
- ❑ დამკვირვებელთა შორის ჩაატარეთ წილისყრა 2 მეთვალყურის გამოსავლენად იმ შემთხვევაში, თუ დამკვირვებლები თავიანთი შემადგენლობიდან ურთიერთშეთანხმებით ვერ შეარჩევენ საარჩევნო ბიულეტენების დათვლის პროცესის მეთვალყურე პირებს.
 - ❑ მოაწყვეთ უბანი ხმების დასათვლელად. მთვლელების მაგიდასთან მიიტანეთ:

- ❑ ამომრჩეველთა ერთიანი სია;
 - ❑ სპეციალური სია (ასეთის არსებობის შემთხვევაში);
 - ❑ გადასატანი საარჩევნო ყუთის სია (ასეთის არსებობის შემთხვევაში);
 - ❑ რეგისტრატორებთან არსებული გამოუყენებელი საარჩევნო ბიულეტენები;
 - ❑ გაფუჭებული საარჩევნო ბიულეტენები;
 - ❑ რეგისტრატორების სპეციალური ბეჭდები;
 - ❑ ძირითადი და გადასატანი საარჩევნო ყუთები.
- ❑ **საკრებულოს პროპორციული არჩევნებისთვის** კენჭისყრაში მონაწილე ამომრჩეველთა საბოლოო რაოდენობის (ამომრჩეველთა აქტივობა) დადგენის მიზნით, მიუთითეთ მთვლელებს, გადაითვალონ კენჭისყრაში მონაწილე ამომრჩეველთა ხელმოწერების რაოდენობა ყველა სახის სიაში (რეგისტრატორის/გადასატანი საარჩევნო ყუთის წამლები კომისიის წევრის მიერ დაწერილ ახსნა-განმარტებაში ასახული მონაცემების გათვალისწინებით, ასეთის არსებობისას). მიუთითეთ მდივანს, მონაცემი ასახოს შესაბამის სადემონსტრაციო ოქმში და ჩანაწერთა წიგნში.
- ❑ **მერის არჩევნებისთვის** კენჭისყრაში ამომრჩეველთა საბოლოო რაოდენობის (აქტივობა) დადგენის მიზნით, მიუთითეთ მთვლელებს, საკრებულოს პროპორციული არჩევნებისთვის დადგენილ კენჭისყრაში მონაწილე ამომრჩეველთა საბოლოო რაოდენობას გამოაკლონ რეგისტრატორების მიერ აღრიცხული იმ ამომრჩეველების ჯამური ოდენობა, რომლებმაც არჩევნებში მონაწილეობა მიიღეს სპეციალური სიით/გადასატანი საარჩევნო ყუთის სიით და არ აქვთ მერის არჩევნებში მონაწილეობის უფლება. მიუთითეთ მდივანს, მონაცემი ასახოს შესაბამის სადემონსტრაციო ოქმში და ჩანაწერთა წიგნში.
- ❑ **საკრებულოს მაჟორიტარული არჩევნებისთვის** კენჭისყრაში ამომრჩეველთა საბოლოო რაოდენობის (აქტივობა) დადგენის მიზნით, მიუთითეთ მთვლელებს, საკრებულოს პროპორციული არჩევნებისთვის დადგენილ კენჭისყრაში მონაწილე

ამომრჩეველთა საბოლოო რაოდენობას გამოაკლონ რეგისტრატორების მიერ აღრიცხული იმ ამომრჩეველების ჯამური რაოდენობა, რომლებმაც არჩევნებში მონაწილეობა მიიღეს სპეციალური სიით/გადასატანი საარჩევნო ყუთის სიით და არ აქვთ საკრებულოს მაჟორიტარული წესით ჩატარებულ არჩევნებში მონაწილეობის უფლება. მიუთითეთ მდივანს, მონაცემი ასახოს შესაბამის სადემონსტრაციო ოქმში და ჩანანერთა წიგნში.

- მიუთითეთ კომისიის მდივანს, დალუქვის მიზნით, ცალ-ცალკე პაკეტებში მოათავსოს:
 - ამომრჩეველთა ერთიანი სია;
 - სპეციალური სია (ასეთის არსებობის შემთხვევაში);
 - გადასატანი საარჩევნო ყუთის სია (ასეთის არსებობის შემთხვევაში);
 - გაფუჭებული საარჩევნო ბიულეტენები;
 - რეგისტრატორებთან არსებული გამოუყენებელი საარჩევნო ბიულეტენები (პაკეტში მოთავსებამდე კომისიის მდივანი აღნიშნულ საარჩევნო ბიულეტენებს აჭრის კუთხეს);
 - რეგისტრატორების სპეციალური ბეჭდები.
- დალუქული დოკუმენტაციის დალუქვის ზოლზე ხელი მოაწერეთ მთვლელებთან ერთად.
- თავდაპირველად გახსენით გადასატანი საარჩევნო ყუთი. კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით შეამოწმეთ გადასატანი საარჩევნო ყუთის ლუქის მთლიანობა და გახსენით ის.

ყურადღება!

- ✓ თუ საარჩევნო ყუთის ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ აცნობეთ საოლქო საარ-

ჩვენო კომისიას). წინააღმდეგ შემთხვევაში საარჩევნო ყუთი დალუქეთ და საუბნო საარჩევნო კომისიის განკარგულებასთან ერთად დაუყოვნებლივ გადაეცით საოლქო საარჩევნო კომისიას.

- ✓ თუ გადასატან საარჩევნო ყუთში საკონტროლო ფურცელი არ აღმოჩნდა, ან საკონტროლო ფურცლებს შორის განსხვავება გამოვლინდა, ყველა სპეციალური კონვერტი და საარჩევნო ბიულეტენი შეკარით პაკეტად, დაანერეთ „ბათილია“. დოკუმენტაცია საარჩევნო უბანში კენჭისყრისა და ხმის დათვლის პროცედურების დასრულების შემდეგ გადაეცით საოლქო საარჩევნო კომისიას.
- ✓ თუ დარღვევა არ გამოვლინდა, მიუთითეთ მთვლელებს, დროებით დააბრუნონ სპეციალური კონვერტები გადასატან საარჩევნო ყუთში.
- გახსენით ძირითადი საარჩევნო ყუთი. კომისიის წევრებისა და კენჭისყრის შენობაში ყოფნის უფლების მქონე პირთა თანდასწრებით შეამოწმეთ ძირითადი საარჩევნო ყუთების ლუქების მთლიანობა და გახსენით ის.

ყურადღება!

- ✓ თუ საარჩევნო ყუთის შემოწმებისას ლუქის მთლიანობა დარღვეული აღმოჩნდა, მაგრამ კომისია მიიჩნევს, რომ ამას არ გამოუწვევია კანონის მოთხოვნათა დარღვევა, კომისიის განკარგულებით გრძელდება კენჭისყრის შედეგების შეჯამების პროცედურა (აღნიშნული ფაქტი დაუყოვნებლივ ეცნობება საოლქო საარჩევნო კომისიას). წინააღმდეგ შემთხვევაში საარჩევნო ყუთი ილუქება და კომისიის განკარგულებით გადაეცემა საოლქო საარჩევნო კომისიას.
- ✓ თუ საკონტროლო ფურცლებს შორის განსხვავება გამოვლინდა ან ძირითად საარჩევნო ყუთში საკონტროლო ფურცელი არ აღმოჩნდა, ყველა სპეციალური კონვერტი და საარჩევნო ბიულეტენი შეფუთეთ და დალუქეთ, შეადგინეთ სათანადო ოქმი და დაუყოვნებლივ გადაეცით საოლქო საარჩევნო კომისიას.

- ✓ თუ დარღვევა არ გამოვლინდა, მიუთითეთ მთვლელებს ერთმანეთში შეურიონ ძირითადი და გადასატანი საარჩევნო ყუთებიდან გადმოყრილი სპეციალური კონვერტები.
- საარჩევნო ბიულეტენების დათვლის პროცესის დაწყებამდე. დალუქეთ საკონტროლო ფურცლები. დალუქულ პაკეტზე მიუთითეთ საარჩევნო უბნის დასახელება, ნომერი, დოკუმენტების სახეობა და მოაწერეთ ხელი.
- მიუთითეთ მთვლელებს დაიწყონ საარჩევნო ბიულეტენების დახარისხება/დათვლის პროცესი.

ყურადღება!

- ✓ საარჩევნო ბიულეტენების დახარისხების და დათვლის მიზნით, პირველი მთვლელი სპეციალური კონვერტიდან იღებს საარჩევნო ბიულეტენს/ბიულეტენებს და აცხადებს, ვისთვისაა მიცემული ხმა. პირველი მთვლელი ერთი სახის საარჩევნო ბიულეტენს გადასცემს მეორე მთვლელს, მეორე სახისას – მესამე მთვლელს, მესამე სახისას – მეოთხე მთვლელს. მთვლელები საარჩევნო ბიულეტენებს აწყობენ ცალ-ცალკე, თითოეული საარჩევნო სუბიექტისთვის მიცემული ხმების შესაბამისად.
- ✓ პირველი მთვლელი ბათილ საარჩევნო ბიულეტენებს და საეჭვოდ მიჩნეულ საარჩევნო ბიულეტენებს (ასეთის არსებობის შემთხვევაში) გადასცემს მეხუთე მთვლელს, რომელიც მათ აწყობს ცალ-ცალკე, არჩევნების სახეობების შესაბამისად.
- ✓ საარჩევნო ბიულეტენების დახარისხების დასრულების შემდეგ კომისიურად განიხილეთ და კენჭისყრით გადაწყვიტეთ საეჭვოდ მიჩნეული საარჩევნო ბიულეტენების ნამდვილობის საკითხი. გადაწყვეტილება მიიღება **ხმათა უმრავლესობით**. ხმების თანაბრობის შემთხვევაში გადამწყვეტია თქვენი ხმა. ნამდვილად მიჩნეული საარჩევნო ბიულეტენი დადეთ ნამდვილი საარჩევნო ბიულეტენების დასტაში (საარჩევნო სუბიექტისათვის მიცემული ხმის მიხედვით), ხოლო ბათილად მიჩნეული საარჩევნო ბიულეტენი – ბათილად მიჩნეული საარჩევნო ბიულეტენების დასტაში.

- საარჩევნო ბიულეტენების დახარისხების შემდეგ, მიუთითეთ მთვლელებს, არჩევნების სახეობის მიხედვით დაითვალონ:

- ✓ ბათილად მიჩნეული საარჩევნო ბიულეტენები;

- ✓ თითოეული საარჩევნო სუბიექტისათვის მიცემული ხმები.

- შესაბამისი სახის არჩევნებისთვის დათვლილი მონაცემების მიხედვით გამოაცხადეთ თითოეული საარჩევნო სუბიექტის მიერ მიღებული ხმებისა და ბათილი საარჩევნო ბიულეტენების რაოდენობა.

მონაცემთა სისწორის კონტროლის მიზნით, კომისიის მდივანთან ერთად შეამოწმეთ დათვლილი მონაცემების სისწორე: თუ საარჩევნო სუბიექტების მიერ მიღებული ხმების და ბათილი საარჩევნო ბიულეტენების რაოდენობის ჯამი მეტია კენჭისყრაში/არჩევნებში მონაწილე ამომრჩეველთა რაოდენობაზე, მიუთითეთ მთვლელებს ხელახლა გადაითვალონ მონაცემები.

- მიუთითეთ კომისიის მდივანს, შესაბამისი სახის არჩევნებისთვის დათვლილი მონაცემები (საარჩევნო სუბიექტების მიერ მიღებული ხმები და ბათილი საარჩევნო ბიულეტენების რაოდენობა) შეიტანოს შესაბამისი არჩევნების კენჭისყრის შედეგების სადემონსტრაციო ოქმში და ჩანაწერთა წიგნში.

- საარჩევნო ბიულეტენების დათვლის შემდეგ, მიუთითეთ მთვლელებს, არჩევნების სახეობის მიხედვით ცალ-ცალკე პაკეტებად დალუქონ:

- ბათილი საარჩევნო ბიულეტენები;

- სხვა საარჩევნო უბნისთვის განკუთვნილი ბათილი საარჩევნო ბიულეტენები, ასეთის არსებობის შემთხვევაში (სხვა საარჩევნო უბნისათვის განკუთვნილი ბათილი საარჩევნო ბიულეტენების რაოდენობა აღინიშნება მხოლოდ ჩანაწერთა წიგნში);

- საარჩევნო სუბიექტების კუთვნილი საარჩევნო ბიულეტენების დასტები.

- დალუქულ პაკეტებს ხელი მოაწერეთ მთვლელებთან ერთად.

რა უნდა გავითვალისწინოთ კენჭისყრის შედეგების შემაჯამე- ბელი ოქმთან მიმართებით

საარჩევნო უბნის კენჭისყრის შედეგები დასტურდება საარჩევნო კოდექსით დადგენილი წესის შესაბამისად შედგენილი საუბნო საარჩევნო კომისიის კენჭისყრის შედეგების შემაჯამებელი ოქმით.

საუბნო საარჩევნო კომისია ადგენს სამი სახის კენჭისყრის შედეგების შემაჯამებელ ოქმს:

- ✓ საკრებულოს პროპორციული სისტემის საფუძველზე ჩატარებული არჩევნების კენჭისყრის შედეგების შემაჯამებელ ოქმს;
- ✓ საკრებულოს მაჟორიტარული საარჩევნო სისტემის საფუძველზე ჩატარებული არჩევნების კენჭისყრის შედეგების შემაჯამებელ ოქმს;
- ✓ მერის არჩევნების კენჭისყრის შედეგების შემაჯამებელ ოქმს.
- კომისიის მდივანი, თქვენთან შეთანხმებით ავსებს კენჭისყრის შედეგების შემაჯამებელ ოქმებს. კომისიის ყველა წევრი ვალდებულია ხელი მოაწეროს კენჭისყრის შედეგების შემაჯამებელ ოქმებს, რითაც დასტურდება მათი ყოფნა საარჩევნო უბანზე. საუბნო საარჩევნო კომისიის მიერ შედგენილი კენჭისყრის შედეგების შემაჯამებელი ოქმები იურიდიული ძალის მქონეა, თუ მას ხელი მოაწერა საუბნო საარჩევნო კომისიის წევრთა უმრავლესობამ.

კენჭისყრის შედეგების შემაჯამებელი ოქმების შედგენასთან დაკავშირებით დეტალური რეგულაცია იხილეთ საუბნო საარჩევნო კომისიის წევრთა სახელმძღვანელო ინსტრუქციაში, ქვეთავი „კენჭისყრის შედეგების შემაჯამებელი ოქმის შედგენა“.

- კენჭისყრის შედეგების შემაჯამებელი ოქმების ფოტოას-ლი დაუყოვნებლივ, პლანშეტის გამოყენებით გადაუგზავნეთ ცესკოს.

- შემაჯამებელი ოქმების ფოტოასლებთან ერთად, არსებობის შემთხვევაში ცესკოს გადაუგზავნეთ კენჭისყრის შედეგების შემაჯამებელი ოქმის/ოქმების შესწორების ოქმის/ოქმების, განსხვავებული აზრის დოკუმენტის, კომისიის მდივნის/კომისიის წევრთა წერილობითი ახსნა-განმარტებების ფოტოასლები - ასეთი დოკუმენტების არსებობის შემთხვევაში.

სქემა N6 - შემაჯამებელი ოქმების ფოტოასლების ცესკოსთვის გადაგზავნის პროცესის ეტაპების ილუსტრაცია - პიროვნული სააჩრევნო სისტემით ჩატახებული აჩვენების კენჭისყრის შედეგების შემაჯამებელი ოქმის ასლის გადაგზავნის მაგალითი.

პიროვნების ძეგლი 01.01.2020

პირადი ნომერი

ჩამოტვირთვა

{1}

დააჭირეთ ჩამოსაშლელ კონტექსტურ მენიუს.






{II}


პროგრამის მენიუში
აირჩიეთ ღილაკი „ოქმი“.



{III}

აირჩიეთ შემაჯამებელი
ოქმის სახეობა - ღილაკი
„პროპორციული“





{IV}

ოქმის ფოტოასლის
გადაღების მიზნით
აირჩიეთ ფოტოაპარატის
ამსახველი ლილაკი.



{V}

პლანშეტის ფოტოკამერის
ობიექტივში სრულად უნდა
ჩანდეს შემატყმებული
ოქმი. აირჩიეთ ლილაკი
„გადაღება“.

გადაღება



{VI}

შემაჯამებელი ოქმის
ფოტოასლის გაგზავნის
მიზნით აირჩიეთ ღილაკი
„გაგზავნა“.

ყურადღება! იმ შემთხვევაში თუ:

- ✓ საარჩევნო უბანზე დაფიქსირდა პლანშეტის ტექნიკური ხარვეზი (პრობლემა შეექმნა ცესკოს აპლიკაციას, რომლის მეშვეობითაც იგზავნება საუბნო საარჩევნო კომისიის კენჭისყრის შედეგების შემაჯამებელი ოქმი) და ვერ მოხერხდა ხარვეზის გამოსწორება, კენჭისყრის შედეგების შემაჯამებელი ოქმები საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარჩევნო კომისიას, რომელიც უზრუნველყოფს მის ატვირთვას ელექტრონული მართვის სისტემაში.
- ✓ საარჩევნო უბანზე არ არის მობილური კავშირგაბმულობისა და ინტერნეტის უწყვეტი კავშირი, ასეთ შემთხვევაში, კენჭისყრის შედეგების შემაჯამებელი ოქმების ასლები ცესკოს შეიძლება მიეწოდოს კენჭისყრის შენობის გარე პერიმეტრიდან, ან კენჭისყრის შედეგების შემაჯამებელი ოქმები საუბნო საარჩევნო კომისიის უფლებამოსილი პირების მიერ სხვა საარჩევნო დოკუმენტაციასთან ერთად გადაეცემა საოლქო საარ-

ჩვენო კომისიას, რომელიც უზრუნველყოფს მის ატვირთვას ელექტრონული მართვის სისტემაში.

- კენჭისყრის შედეგების შემაჯამებელი ოქმების დამოწმებული ფოტოასლები საჯარო გაცნობისთვის გამოაკარით კენჭისყრის შენობაში.
- კენჭისყრის შედეგების შემაჯამებელი ოქმის/ოქმების და შესწორების ოქმის/ოქმების (არსებობის შემთხვევაში) ფოტოასლების გაცემისას (მოთხოვნის შემთხვევაში), ასლებს კომისიის მდივანთან ერთად მოაწერეთ ხელი და დაამოწმეთ კომისიის სპეციალური ბეჭდით.

კენჭისყრის შედეგების შემაჯამებელ ოქმთან/შესწორების ოქმთან დაკავშირებული კომისიის წევრთა ახსნა-განმარტებები (ასეთის არსებობის შემთხვევაში), მოთხოვნის საფუძველზე გაიცემა საოლქო საარჩევნო კომისიის მიერ, მოთხოვნიდან 2 დღის ვადაში.

- შემაჯამებელი ოქმების ასლების გაცემის შემდეგ მიუთითეთ კომისიის მდივანს, დახუროს სარეგისტრაციო ჟურნალი და ჩანაწერთა წიგნი. ჩანაწერი „დახურულია“ კომისიის მდივანთან ერთად დაადასტურეთ ხელმოწერით და დაამოწმეთ კომისიის სპეციალური ბეჭდით.
- საოლქო საარჩევნო კომისიისათვის საარჩევნო დოკუმენტაციის, პლანშეტის და სხვა ინვენტარის გადაბარების მიზნით დალუქეთ ჩანაწერთა წიგნი და მასთან ერთად განცხადებები/საჩივრები (ასეთის არსებობისას).
- ჩანაწერთა წიგნის დალუქულ პაკეტს კომისიის მდივანთან ერთად მოაწერეთ ხელი.
- დალუქეთ კომისიის სპეციალური ბეჭედი. კომისიის სპეციალური ბეჭდის დალუქულ პაკეტს ხელს აწერს კომისიის ყველა დამსწრე წევრი.

როგორ უზრუნველყოთ საარჩევნო დოკუმენტაციის, პლანშეტის და სხვა ინვენტარის გადაბარება საოლქო საარჩევნო კომისიისთვის

საუბნო საარჩევნო კომისიის თავმჯდომარემ/თავმჯდომარის მოადგილემ ან/და კომისიის მდივანმა საოლქო საარჩევნო კომისიაში უნდა მიიტანოს:

- კენჭისყრის შედეგების შემატამებელი ოქმები, შესწორების ოქმი/ოქმები (ასეთის არსებობის შემთხვევაში) და განსხვავებული აზრის ამსახველი დოკუმენტი (ასეთის არსებობის შემთხვევაში);
- სარეგისტრაციო ჟურნალი და მასთან ერთად საუბნო კომისიის წევრთა/კომისიის მდივნის წერილობითი ახსნა-განმარტებები (ასეთის არსებობის შემთხვევაში);
- ჩანაწერთა წიგნის დალუქული პაკეტი.

გაითვალისწინეთ! თითოეული სახის საარჩევნო დოკუმენტაციის გადაცემისას დგება შესაბამისი მიღება-ჩაბარების აქტი/აქტები, რომელსაც ხელს აწერენ უფლებამოსილი პირები.

საუბნო საარჩევნო კომისიის თავმჯდომარემ/თავმჯდომარის მოადგილემ სხვა დანარჩენ დალუქულ დოკუმენტაციასთან ერთად, მიღება-ჩაბარების აქტის საფუძველზე, საოლქო საარჩევნო კომისიის საწყობში საოლქო საარჩევნო კომისიის უფლებამოსილ პირს უნდა გადასცეს პლანშეტი.

გაითვალისწინეთ! მნიშვნელოვანია პლანშეტის და დალუქული საარჩევნო დოკუმენტაციის უსაფრთხო ტრანსპორტირება.

დანართი N1

რეგისტრატორებისგან მიღებული მონაცემები

გადაამონშეთ მონაცემები		რეგისტრატორი					ცესკოსთვის გადასაგზავნი მონაცემი
		I	II	III	IV	V	
10:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა- განმარტებების მიხედვით						
12:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა- განმარტებების მიხედვით						

15:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა-განმარტებების მიხედვით						
17:00	გაცემული ბიულეტენები						კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები						
	ამომრჩეველთა ხელმოწერების რაოდენობა ყველა სახის სიაში						
	გამორჩენილი ხელმოწერების რაოდენობა ახსნა-განმარტებების მიხედვით						

20:00	გაცემული ბიულეტენები					კენჭისყრაში მონაწილე ამომრჩეველთა საერთო რაოდენობა
	გაფუჭებული ბიულეტენები					
	ამომრჩეველთა ხელმოწერების რაოდენობა ყველა სახის სიაში					
	გამორჩენილი ხელმოწერების რაოდენობა ახსნა-განმარტებების მიხედვით					
საბოლოო						

